



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Cultu Sacrosancti Cordis Dei Ac Domini Nostri Jesu Christi

Galliffet, Joseph de

Romae, M.DCCXXVI.

Libellus supplex Benedicto XIII. ab Illustriss. & Reverendiss. Episcopo Massiliensi cum universo ipsius Diœcesis Clero porrectus.

[urn:nbn:de:hbz:466:1-45817](#)

LIBELLUS SUPPLEX

BENEDICTO XIII. Pontifici Maximo, ab Illu-
striss. & Revendiss. Episcopo Massiliensi cum uni-
verso ipsius Dioecesis Clero, porrectus.

BEATISSIME PATER,

Devotissimus Filius vester Henricus Franciscus Xaverius de Belfunce de Castelmoron Episcopus Massiliensis, cum universo Dioecesis suae Clero tam seculari quam Regulari, ad pedes Sanctitatis Vestræ pro volutus cum omni reverentia & filiali confidentia ipsi exponit: Quod anno 1720. multiplicatis Massiliensium sceleribus, ultionum Dominus sævisima pe ste ex thesauris iræ suæ educata, eam summis de infelici populo vindictam, quæ cunctis vel maxime dissitis totius orbis terrarum nationibus formidanda fuit. Superba hæc Massiliensis civitas plena populo & divitiis, divino judicio, subito, lacrymis & solitudini ha etenus inauditæ, desolationi tradita & ita morti addicta est, ut quotidie omnium ordinum hominum millia, sæviente pestilentia de medio tollerentur; morientium simul & mortuorum corpora, non in ædi bus tantum, sed maxime, quod horrendum fuit, per vicos omnes & plateas hujus vastæ Urbis paßim permixta, ibidemque coacervata & putrefacta cada vera, canibus esca jacerent. Sed quod dolendum

T t 3 ma-

maxime afflictissimo Pastori fuit, PATER SANCTISSIME ipsa ineunte pestifera vastitate, ducentis quinquaginta fere eodem tempore Christi Ministris gloriofa morte sublatis, aliis peste laborantibus, fugientibus cæteris, fere ab omnibus derelictus, dilectas oves magna ex parte absque Ecclesiæ Sacramentorum auxilio misere morientes, mœrore confectus ipse vide re quotidie ac deflere coactus est.

Quid in tot ac tantis rerum omnium calamitatibus ageret Pastor quotidie moriens? Humanæ sapientiæ conatus omnes in vanum adhibiti, frustra in honorem Sanctorum vota multiplicata fuerant. A solo Domino Nostro Jesu Christo semper vivente ad interpellandum pro nobis, laboranti & morienti populo auxilium sperans Massiliensem populum cum reliqua sua Dicecesi, quam fere totam devastabat pestilenta, publice SACRATISSIMO CORDI DOMINI NOSTRI JESU CHRISTI, omnium misericordiarum nunquam exhausti fonti consecravit: statuitque ut in posterum in reparationem peccatorum populi, & in gratiarum actionem, in tota Dicecesi dies festus solemniter & perpetuo celebraretur quotannis in honorem adorandi CORDIS JESU, feria sexta prima post octavam Corporis Christi; & sanctissimi Nominis Jesu, die 14. Januarii.

Ubi primum in lugubri supplicatione seu processione habita die Sanctorum omnium, assistente paucissimo superstite Clero & Populo (frementibus modicæ fidei hominibus qui ex ista generali omnium

com-

communicatione infasta omnia Urbi & Civibus minabantur) hæc solemnis consecratio in medio desolatae Civitatis pronunciata fuit, & supra dictæ solemnitates ab Episcopo ante Missam inter vivos & mortuos promulgatae fuerunt, si plaga non cessavit subito, misericordia tamen commotus est Dominus super populum suum, atque ex illa hora, quod est prodigo par, immixtui semper & usque ad cessationem integrum decrescere manifeste visa est lues pestifera.

Tanti beneficij testes ac memores Massiliæ Consules, singulis annis in die festo SACRATISSIMI CORDIS JESU in Ecclesia primi Monasterii Monialium Visitationis B. Mariæ Virginis, sumto divino Eucharistiae Sacramento, Cereum Majestatis offensæ piaculum, & grati animi pignus, ex voto offerunt, & interfunt eodem die solemnî omnium Ordinum supplicationi, quæ per totam Urbem, ad perpetuam rei memoriam, ex eodem voto indicta est.

Undique tanti beneficij, dicam, an prodigii sparso rumore, non solum apud Massilienses, sed etiam apud fere omnes istius Provinciæ Diceceses adaugetur & effervescit in dies nova illa Christi Domini in sacro sancto Eucharistiae Sacramento colendi ratio, quam Deus Optimus Maximus signis non dubiis comprobavit, & quæ quotidie in Galliis & in aliis Regnis mirifice propagatur. Ad augendam talem Populorum Dicecesis Massiliensis devotionem Innocentius XIII. in omnibus fere ac singulis totius hujus Dicecesis Eccl-

clesis plenariam Indulgentiam, in prædicta feria sexta proxima post octavam Corporis Christi, benigne ac paterne concessit.

Ut hæc ergo tum expiationis, tum gratiarum actionis solemnitas cum omni celebritate & devotione in perpetuum Massiliæ celebretur, unum deest, PATER SANCTISSIME, nimirum ut Missa, & Officium in honorem SACRATISSIMI CORDIS JESU Liberatoris nostri, id est ipsius Domini Nostri Salvatoris semper super peccatores miserentis, Vestra & Sanctæ Sedis auctoritate approbentur, eaque recitari a Clero tam Regulari quam Seculari liceat. Hoc suppliciter & enixe deprecantur a peste divinitus liberati Episcopus, & Clerus hujus Urbis, quæ nunc multo magis sua erga Sedem Romanam reverentia & obedientia gloriantur, quam olim honorifico sororis Romæ titulo.

HENRICUS, *Episcopus Massiliensis.*

Foresta Colongue Ecclesiæ Cathedralis Præpositus.
J. Borel, Ecclesiæ S. Martini Præpositus. *Guerin*, Ecclesiæ & Capituli nostræ Dominæ de Aquis Decanus.
Laurens, Vicarius perpetuus Ecclesiæ Cathedralis.
Rastegue, Vicarius perpetuus Ecclesiæ Cathedralis. *Nicolas*, Ecclesiæ S. Martini Vicarius. *Christin*, Ecclesiæ S. Martini Vicarius. *Giraud*, Vicarius perpetuus Ecclesiæ Nostræ Dominæ de Accuis. *A. Dalmas*, Vicarius perpetuus Ecclesiæ Nostræ Dominæ de Accuis. *Jourdan*, Prior S. Laurentii. *Dalmas*, Vicarius Ecclesiæ Parochialis S. Ferreoli. *Fr. Josephus Hiacinthus Serry*
Ma-

Magister ac Prior Conventus Massiliensis Ordinis FF. Prædicatorum. *Fr. Roman*, Corrector Conventus Massiliensis. *Fr. Cherubinus a S. Agneta*, Prior Conventus Massiliensis Augustinianorum discalceatorum. *Joannes le Brienne*, Commendator Ordinis Beatae Mariæ de Mercede Redemptoris Captivorum Conventus Massiliæ. *Fr. Eustachius a divo Carolo*, Minister Conventus Massiliensis Ordinis sanctissimæ Trinitatis pro redemtione Captivorum exalceatæ Congregationis. *Fr. Angelus Roux*, Doctor Parisiensis, & Prior Majoris Carmeli. *Fr. Augustinus Menc*, Superior Conventus Massiliensis Ord. Serv. B. M. V. *Josephus Gerin*, Superior domus S. Jacobi Societatis Jesu. *Fr. Carolus Thoard*, Minister Conventus sanctissimæ Trinitatis Massiliensis. *Fr. Angelus Auriol*, Guardianus Conventus FF. Minorum Recollectorum. *F. Berger*, Superior Canonicorum Regularium S. Augustini Ordinis S. Antonii. *De Garcin*, Superior Seminarii. *Bodincent*, Superior Presbyterorum SS. Sacramenti. *Petrus de Cabassole*, Superior Domus sanctæ Crucis Societatis Jesu. *F. Joannes Baptista Geaffensis*, Guardianus Conventus Massiliensis Capuccinus. *F. Andreas Blanchet*, Prior Conventus S. Augustini. *F. Marcellus a S. Anna*, Prior Conventus Carmelitarum discalceatorum. *F. J. Fr. Pezenas*, Guardianus FF. Minorum de Observantia. *F. Joannes a S. Bartholomæo*, Superior Cœnobii S. Bernardi des Feuillans. *VINTIMILLE*, Vicarius Generalis & Canonicus Ecclesiæ Cathedralis.

V v

EPI-